

მაია ფანჯიკიძე: `იმელი მაქვს, რომ ვიზალიბერალიზაციას მივიღებთ~

`ოპოზიციიდან ამისთვის ყველაფერს ვაკეთებთ~

ევროკომისიის მიერ ვიზალიბერალიზაციასთან დაკავშირებული ანგარიშის გამოქვეყნების თარიღმა გადაიწია. საგარეო საქმეთა მინისტრი გიორგი კვიციანი აცხადებს, რომ გადადება საქართველოსთან არ არის დაკავშირებული.

იგივეს ფიქრობს საგარეო საქმეთა ყოფილი მინისტრი, თავისუფალი დემოკრატების ერთ-ერთი ლიდერი მაია ფანჯიკიძე. ის `ახალ თაობასთან~ ინტერვიუში აღნიშნავს, რომ არ აქვს საფუძველი იფიქროს, რომ ევროკომისიის მიერ მოხსენების გადადების მიზეზი შინაარსობრივი მხარეა.

მაია ფანჯიკიძე:

— ევროკომისიის მიერ ვიზალიბერალიზაციასთან დაკავშირებული ანგარიშის გამოქვეყნების გადადება გექნიკური მიზეზით არის გამოწვეული და საფუძველი არ მაქვს, ეჭვი შევიგანო არც ფედერაცია მოგერიანის და არც სხვა პირების განცხადებაში.

ისინი აცხადებენ, რომ ეს მოხსენება დეკემბრის ბოლომდე გამოქვეყნდება. აღნიშნული მოხსენება ერთ და ორ დღეში არ იწერება. სექტემბერში დასრულდა იმ მისიის მუშაობა, რომელსაც უნდა შეემოწმებინა, რამდენად შეასრულა საქართველომ ყველა ვალდებულება. ეს მოხსენება რამდენიმე თვის განმავლობაში იწერებოდა.

— თქვენი პარტია ამ მიმართულებით ძალიან აქტიურობდა.

— ჩვენ ყველა შეხვედრაზე, რომელიც ევროკავშირის წარმომადგენლებთან გვქონდა, ვახმოვანებდით პოზიციას, რომ საქართველომ ევროპასთან უვიზოდ მიმოსვლა აუცილებლად უნდა მიიღოს. ეს არის ძალიან მნიშვნელოვანი ჩვენი ქვეყნისთვის.

ეს არის საკითხი, სადაც ყველა ერთიანი უნდა ვიყოთ. ყველამ უნდა ვიმუშაოთ, რომ საქართველომ ამ წარმატებას მიაღწიოს. ჩვენი პარტიის, ერთ-ერთმა ლიდერმა, ვიქტორ დოლიძემ, პარლამენტში მიმართვის ინიცირება მოახდინა, რომელიც ევროპულ კოლეგებთან გაიგზავნა სწორედ ვიზალიბერალიზაციის დადებითად გადაწყვეტის თხოვნით.

შეხვედრებზე ყველა ევროპული კოლეგისგან გვესმოდა, რომ ეს მოხსენება დადებითი იქნება და საქართველოს მიერ შესრულებული სამუშაო შეფასებული იქნება მაღალ დონეზე.

— ითქვა, რომ შეიძლება გადადება უკავშირდებოდეს უკრაინას, რომელმაც ბოლომდე ვერ შეასრულა ვალდებულებები და ბრიუსელი პირადად პრემიერს პოროშენკოსგან ითხოვს გარანტიებს.

— იმ მომენტში, როდესაც საქართველო და უკრაინა ერთად მოიხსენიეს, უსიამოვნო განცდა დამეუფლა, რადგან ტექნიკური გადაწყვეტილება შეიძლება მიღებული იყოს ერთი ან რამდენიმე ქვეყნის მიმართ ერთდროულად, მაგრამ რაც შეეხება გექნიკურ შეფასებას, ეს საქართველოს

დამოუკიდებელი საშინაო დავალება იყო და ის დამოუკიდებლად უნდა შეფასებულიყო და არ ყოფილიყო დაკავშირებული რომელიმე სხვა ქვეყანასთან.

მიუხედავად ამისა, მაია ფანჯიკიძე ამბობს, რომ საქართველოს მიერ საშინაო დავალების შესრულება იქნება დამოუკიდებელი მოხსენება და იქ მხოლოდ საქართველოს მიერ ამ გეგმის შესრულებაზე იქნება საუბარი.

— ამიგომ, მე ძალიან მინდა მჯეროდეს, რომ ეს არის მხოლოდ ტექნიკური შეფერხება ევროკავშირში, თუმცა რა მიზეზით არის ეს გამოწვეული, არ ვიცი, — აცხადებს საგარეო საქმეთა ყოფილი მინისტრი.

— ტექნიკური შეფასება არის პირველი ეტაპი, შემდეგი ეტაპი რა არის?

— ეს არის პირველი ეტაპი, აუცილებელი და ძალიან მნიშვნელოვანი ეტაპი. ამ ეტაპზე, ამ შეფასებაზე დაყრდნობით ევროკავშირის 28 წევრი ქვეყნის მიერ უნდა იქნას პოლიტიკური გადაწყვეტილება მიღებული. ეს თვეები, იანვრიდან ორი-სამი თვე განსაკუთრებით, ხელისუფლებამ მაქსიმალურად უნდა გამოიყენოს, რომ პოლიტიკური გადაწყვეტილება დადებითი იყოს ჩვენი ქვეყნისთვის.

— რა რჩევა შეგიძლიათ მისცეთ ხელისუფლებას, რა ნაბიჯები უნდა გადადგას ამ მიმართულებით?

— ამ ყველაფრისთვის საჭირო არის ინტენსიური პოლიტიკური და დიპლომატიური მუშაობა. დაწყებული საელჩოების დონიდან, რომელთაც გეპირად უნდა იცოდნენ, თუ რა არის გაკეთებული, ასევე უნდა იცოდნენ, თუკი არის რამე სახის გამოწვევა დარჩენილი. ასევე ყოველდღიურ რეჟიმში უნდა იცოდნენ წინსვლის შესახებ.

საგარეო საქმეთა სამინისტრომ 28-ვე ქვეყანასთან უნდა იმუშაოს და ამ გზაზე მიიგანოს ჩვენი ქვეყნის წარმატების ამბავი.

შემდეგი ნაბიჯი არის უფრო მაღალი ეტაპი, ვგულისხმობ ქვეყნის პირველ პირებს, რომელთაც უნდა ჰქონდეთ თავიანთ კოლეგებთან, პრემიერ-მინისტრებთან, პარლამენტის თავმჯდომარეებთან აქტიური კომუნიკაცია, რომ ეს საკითხი ყოველთვის აქტუალური იყოს და უმაღლეს დონეზე მოხდეს მისი ლობირება.

— ქალბატონო მაია, ცალკე პაკეტით რომ ვიყოთ წარმოდგენილი და არა — აღმოსავლეთ პარტნიორობის ფორმატში, შეიძლება უკეთესი იყოს ჩვენთვის. შესაძლებელია, ამ კუთხითაც იყოს მუშაობა წარმოებული?

— როდესაც აღმოსავლეთ პარტნიორობის ფორმატი პირველად გაცხადდა, სადაც ექვსი ქვეყანა გაერთიანდა, ექვსივე ქვეყანას ერთნაირი სასტარტო პოზიცია ჰქონდა. შემდეგ, იმის მიხედვით, თუ რა ამბიციები აქვთ ამ ქვეყნებს და რა გეგმები, ბოგი დაწინაურდა და ბოგი ჩამორჩა ამ პროცესს.

— ჩვენ სად ვართ?

– საქართველო არის მოწინავეთა შორის, რადგან საქართველოს გაცხადებული მიზანი აქვს, რომ ევროკავშირის წევრი გახდეს.

მაია ფანჯიკიძის თქმით, 2015 წელს ევროკავშირმა შეიმუშავა აღმოსავლეთ პარტნიორობის ახალი დოკუმენტი, რომელიც გულისხმობს უფრო ინდივიდუალურ მიდგომებს. იმის მიხედვით, თუ რა მიზანი აქვს ქვეყანას, რა გეგმა და რა ამბიცია, მან შეიძლება ინდივიდუალურად მოირგოს ეს ფორმატი.

– ეს არის ძალიან კარგი ჩვენთვის, რადგან ეს მიდგომა საქართველოს ახალ შანსებს უხსნის, რომ მაქსიმალური მიიღოს ამ არსებული ფორმატიდან. ამდენად, ჩათვალეთ, რომ ეს არის ინდივიდუალური პაკეტი. ახლა მთავარია, ამ გახსნილ შესაძლებლობებს ჩვენი ქვეყანა როგორ გამოიყენებს. ასევე ეს საერთო ფორმატი ერთმანეთში ურთიერთობაშიც გვეხმარება და კიდევ არის სტიმული, რომ დაწინაურებულ ქვეყნებს დაეწიონ, რასაკვირველია თუ ამის ამბიცია ექნებათ, – აღნიშნავს მაია ფანჯიკიძე.

– დეკემბრის ბოლოსთვის თუ არ მოხდა შეფასების დოკუმენტის გამოქვეყნება და კიდევ გადაიღო, შეიძლება სხვა რეალობის წინაშე აღმოვჩნდეთ? თუ ფედერაცია მოგერინის განცხადება ძალაში დარჩება და ვიზების ლიბერალიზაციას მივიღებთ შენგენის ზონაში?

– მე მინდა ოპტიმისტი ვიყო, რადგან ეს საქართველოსთვის მართლაც უმნიშვნელოვანესი მოვლენაა და არ მინდა მოვლენებს წინ გავესწრო. თუ 22-23 დეკემბრამდე ვერ მივიღეთ შეფასება ევროკომისიისგან და ეს პროცესი იანვრისთვის გადაიწვეს, მაშინ გვექნება საფუძველი, რომ შევშოთ დღით და დავიწყოთ მიზნების კვლევა, მაგრამ მანამდე ყველას სიმშვიდის კენ მოვუწოდებ.

რაც მთავარია, უნდა ვენდოთ ევროკავშირს. თუკი ის ამბობს, რომ ამ ყველაფერს ტექნიკური მიზეზი აქვს, ჩვენ უფლება არ გვაქვს, ევროკავშირის განცხადებაში ეჭვი შევიგანოთ. იმედი მაქვს, რომ ეს პროცესი წარმატებით დაგვირგვინდება.

.....